

Sier Jacomo Boldù, el 40, di sier Hironimo.

Sier Bernardim Zustignan, fo cao di 40, *quondam* sier Marco.

Sier Piero Gradenigo, el cao di 40 zivil, *quondam* sier Anzolo.

Sier Hironimo di Prioli, fo 40 zivil, *quondam* sier Ruberto.

Sier Andrea Marzello, fo cinque di la paxe, *quondam* sier Fantin.

† Sier Alvise Contarini, el cao di 40, *quondam* sier Galeazo.

Sier Marco Antonio Corner, fo a la tavola di l'intrada, *quondam* sier Nicolò.

Sier Zuam Lion, el 40, *quondam* sier Francesco.

Sier Sebastian Balbi, el cao di 40, *quondam* sier Jacomo.

A dì 27. Da poi disnar fo pregadi per li synici, per expedir il caso di sier Polo Trivixan, el cavalier, fo provedador a Sallò, per l'horo intromesso. Parlò sier Andrea Mozenigo, dotor, *olim* auditor et synico; li rispose domino Rigo Antonio un'altra volta. Et li synici non volse mandar la parte, volendo farli risposta; et fo rimesso a uno altro consejo.

A dì 28. Da matina in colegio, con li cai di X e savij di una man et di l'altra, fo balotadi do scrivani, uno a, l'altro a Ravena.

280* Da poi disnar fo consejo di X con zonta.

A dì 29. Da Roma, di 25. Dil pranso over cena fata per il papa, a di 25, a li oratori di Chastiglia e cardinali palatini. *Item*, di la morte dil cardinal San Vidal, qual fo legato a Bologna, et poi retenuto per il papa, qual li tolse ducati 20 milia, et horra senza mal in doi zorni è morto. E fo sepolto di note, con 4 torzi e non con le funere solite farsi a' cardinali, con gran cerimonie; si tien fusse tosichate. Era di natione

Fo balotadi in colegio li capetanij dieno andar a far la mostra. E, balotadi tuti li rectori, rimase: in cremonese, sier Polo Capelo, el cavalier, capetanio di Cremona; in brexana, sier Zuan Paulo Gradenigo, podestà di Brexa; in vicentina, sier Vicenzo Valier, capetanio di Vicenza; et in Friul, sier Andrea Loredan, luogotenente di la Patria di Friul. E terminato farla, si come di soto scriverò dove et quando.

Da poi disnar fo colegio di savij *ad consulendum*.

A dì 30, domenega. Fo letere di Udene. Come ozi, *juxta* i mandati, sier Andrea Loredan, luogotenente, anderà a Pordenon, a far la consignation di quella rocha, terra e teritorio, al signor Bortolo d' Alviano etc.

Da poi disnar fu gran consejo.

A dì 31. La matina fo in colegio domino Dionisio di Naldo, cavalier, stato a' servicij nostri con 1000 provisionati, in veronese et in campo. Fo charezzato dal principe; et vene acompagnato da amici patricij.

Da poi disnar fo consejo di X. Feno capi per avosto: sier Bernardo Barbarigo, sier Marin Zorzi, dotor, et, nuovo, sier Hironimo Contarini, da Londra, fo podestà e capetanio a Treviso, *quondam* sier Bertuzi, procurator.

Copia de un comandamento fato per el signor 281 soldam, et mandato a sier Andrea Bondimier, capetanio di le galie di Alexandria, fato dil meze di novembrio 1507.

Al nome de Dio. Questo è un comandamento zeneral, che fa el signor soldam al capetanio e patroni de le galie et merchadanti. Idio salva e conferma e faza quello se contien in quello.

Comanda, per il comandamento santissimo e altissimo, el Camsom, soldam re lasaraf espagatie, el qual à comandà che se scriva questo comandamento a tutti quelli, che 'l vede el capetanio et patroni de le galie et merchadanti, Dio i salva. Dà avixo de la supplication fata per el consolo d' Alexandria a le nostre Porte sante, e stà leta a le mie orecchie sante, per mezenità de l'armiragio e grandissimo fidado, unido, compido et spachier Tangravardi, turziman, Dio mantegna el suo honor. Che se dixè de la venuda in Candia, et à volontà de venir in Alexandria, e si aspetta el fatto di capitoli, che son vegnudi per le man, de quello è stà ditto et quello che s'è acordà, con el signor de Venexia, et quello che à scritto Tangravardi de sua scrittura, el signor soldan dà aviso per la vegnuda de Tangravardi a le nostre Porte sante. L'è dito el fato di capitoli mentoadi a le nostre rechie sante, a capitolo per capitolo, et saputo di capitoli. Et Tangravardi se lauda molto de la Signoria de Venexia et de la sua compagnia, et laudemo ancor nui, e si ringratiemo e comandemo, che se scriva i capitoli nominadi per avanti, secondo che sono romaxi d' accordo con el signor de Venexia et Tangravardi. Et del fato de li rami, è insudo el nostro comandamento santo per avanti, che i crededori debbia indusiar mexi 4 senza utilità, che non toja plui de quello è scritto et el presio, el presio de Dio, nè plui nè mancho, et cussi s'è insido el nostro comandamento santo in scrittura al signor armiragio de la terra. Se a caxo l'achaderà, che 'l sia fato presio di rami, sia fato nè